

EPATEGIAK. Inputazioa zabaldua, Kode Penalaren 129. artikulua balia dezake, itxiera ahalbidetzen duena

Rei etakide gisa auzipetzeko agindu du Garzonek eta 'Ardi Beltza' ixtea erabaki

Kazetariaren aurkako inputazioa aldatzeko datu berririk ez du ematen Espainiako Entzutegi Nazionaleko epaileak

Xabier Makazaga | DONOSTIA

Ardi Beltza aldizkariko zuzendaria Pepe Rei ETako kide gisa auzipetzea erabaki du Baltasar Garzon Espainiako Entzutegi Nazionaleko epaileak, eta *Ardi Beltza* bera ixtea. Astelehenean deklarazioa hartzera deitu du Garzonek Pepe Rei, eta bertan jakinaraziko dio ETaren laguntzaile izateko akusazioa ETako kide izatera zabaldu diola. Halaber, Rei bera eta *Ardi Beltza* argitaratzen duen Arakatzaren enpresako ordezkari legalak deituko ditu Garzonek, aldizkaria ixtea erabaki duela jakinarazteko. Aurki itxiko du.

Pepe Reiri inputazio aldaketa egiteko datu berririk ez du ematen Garzon epaileak autoan. Juan del Olmo epaileak «talde terroristari laguntzea» ikusi zuen lekuan —gero Garzonen alde inibitu zen Del Olmo— «talde terroristako kide izatea» ikusten du orain Garzonek. Kazetariaren jarduna «intentsifikatu» egin dela, beste arrazoirik ez du ematen horretarako.

Urtarrilaren 19tik espetxean

Urtarrilaren 18an atxilotu zuten Pepe Rei Garzonen aginduz, eta biharamunean kartzelatu, *Egin auzian* leporatu zizkion delituak berriro egin zituela argudiatuta. «ETaren laguntzaile» izatea egotzi zion orduan Del Olmo epaileak.

Atzo kaleratutako autoan, Rei ustez ETako kide dela dio Garzonek. Epaileak aintzat hartu du martxoaren 12an Entzutegi Nazionaleko fiskal Enrique Molinak eginiko eskaera.

Pepe Reik «erakunde terroristaren zerbitzuko ekinbideak intentsitate handiagoz» egin dituela adierazi du autoan Garzon epaileak, haren aurkako inputazio aldaketa arrazoitzeko. Auto horretan dioenez, «ekinbide horiek ez lukete zentzurik, ez bada aintzat hartzen talde kriminal baten baitan (ez da ekinbide formalik behar), haren helburu berak lortzeko zuzenduta dauden jarduerak egiten dituenari dagozkiola, instrumentu egokiak haren esku jarritz».

Pepe Reik kazetari gisa izan duen jardunak «mehatxu terroristakategoria ere» har zezakeela dio Garzonek, baina urrunago doa, eta «komandoetako ki-



Pepe Rei urtarrilaren 18an atxilotu zuten Espainiako Poliziak, eta hurrengo egunean preso sartu zuten.

deei beren zeregina errazteko instrumentu egoki gisa» hartu behar dela dio epaileak autoan, «auzipetuak informazioa lortzeko lana errazten baitie, bera kide den egituraren zerbitzura».

Ardi Beltza-ren bidez, Pepe Reik «helburuen etengabe seinatu eta estigmatizatu» egiten duela dio Garzon epaileak, «helburu horiek gero ETak edo

Jarrai-Haikak hautatzen dituelarik».

Garzonek Zigor Kodea «behartu» duela dio Iruinek

Iñigo Iruin abokatuak adierazi du kalifikazio juridikoen aldaketa ez dela ematen ekintza berriak agertu direlako, Garzonen beharrei erantzuteko baizik. «Garzonek aspalditik du *Ardi*

Beltza ixteko helburua. Baina hori egiteko Zigor Kodearen 129. artikulua erabili behar du. Eta Pepe Reiri ETA laguntzea egotzita, ezin du. ETako kide bezala auziperatu behar dute, gero aldizkaria itxi ahal izateko». Zigor Kodeko 129. artikulua enpresa edo erakundeak ixtea ahalbidetzen du.

Fiskalak Reiren inputazioa al-

ERREAKZIOA

EH: «Estatuaren izaera frankista erakusten ari dira»

Baltasar Garzon epaileak «sorgin ehizean» jarraitzen duela salatu zuen atzo EHk, haren autoa kritikatu. «Beti PPren babesean, ahal duen pertsona eta erakunde oro kriminalizatu nahi ditu: bate-tik pentsamendu bakarraren aurka ari direnak komunikazio alorrean, bestetik Euskal Herriaren alde ari direnak». Garzon, PP-PSOE akordioan zehaztutako estrategiaren «muturra» dela salatu du EHk. «Astatasunaren izenean, erregimen neofrankista ezartzen ari dira, Euskal Herriko gatazka bide politikoe-tatik bideratzea eragozteko.

Atzokoa bezalako ekinbide judizialek, «Espainiako Estatuaren benetako izaera frankista» agerian uzten dutela dio EHk. «Egoera anti-demokratiko» horrek erantzuna merezi duela dio EHk.

datzeko eskatu zuenean, zeren atzetik ari ziren «usaina» hartu zuan Iñigo Iruinek. Orain, Garzonek Zigor Kodea «behartu» egin duela dio abokatuak: «Zigor tipoak aldatu ditu, eta delitua zabaldu. Non dira mugak? Delitu horren barruan edozer gauza sartu daiteke. Helburua, ezker abertzalearen inguruko egiturak pixkanaka ixtea da».

Ekin erakundea legez kanpo uzteko aukerak aztertzeke adierazi dio Garzonek fiskalari

Erredakzioa | DONOSTIA

Baltasar Garzon epaileak probidentzia bat igorri dio Entzutegi Nazionaleko Fiskaltzari, «Ekin erakunde alegala legez kanpo uzteko balizko aukeraren aurrean egoki deritzona» azaldu dezan. Ekinen aurkako operazioan, eta hari eginiko auto judizialean, Ekinek KASen lekua hartu zuela adierazi

zuen Garzonek. Eta, bere aburuz, KAS ETA zen heinean, Ekin ETA dela zioen.

Iazko irailaren 16an, Ekinen aurkako operazioan, 18 pertsona espetxeratzeko agindu zuen Garzonek. Lau, milioi bat pezetako bermea ordainduta espetxetik atera ziren urtarri-lean: Marta Perez, Oiakue Azpiri, Txus Martinez de la Higdala eta Imanol Iparragirre.

Beste hamalau preso jarraitzen dute: Txema Matanzas, Xabier Alegria, Jaime Iribarren, Ana Lizarralde, Olatz Eiguren, David Soto, Pello Sanchez, Antxon Ollokiegi, Juan Mari Mendizabal, Javi Balanzategi, Unai Hernandez, Patxi Gundin, Ruben Nieto eta Paul Asensio.

ENAMen barruko erakundeetan «ETaren komisario

politiko» izatea egotzi zien Garzon epaileak atxilotuei, eta «militantzia bikoitza» baliatzea «legez kanpoko ekin-tzak egiteko». ETaren helburuekin bat egitea kriminalizatu egin zuen epaileak espetxeratze autoan, eta Ekin erakundea ez dela legez kanpoko adierazi zuen orduan.

Baltasar Garzonek, epaile instruktore gisa, eskumenik ez dauka Ekin legez kanpokotzat jotzeko; baina badu aukera itxi edo bere jardueren etenaldia agintzeko.